

Orationes Ante Missam

CONVERSI AD DOMINUM DEUM

Convérsi ad Dóminum Déum Patrem omnipoténtem, puro corde ei, quantum potest párvitas nostra, máximas atque véras grátias agámus: precántes toto ánimo singulárem mansuetúdinem éius, ut préces nostras in beneplácito suo exaudíre dignétur; inimícum quoque a nostris actibus et cogitatióibus sua virtúte expéllat, nobis múltiplicet fidem, mentem gubérnet, spirituáles cogitatiónes concédatur, et ad beatitúdinem suam perdúcat per Jesum Christum Fílium eius. Amen.

ORATIO AD OMNES ANGELOS ET SANCTOS

Angeli, Archángeli, Throni et Dominatiónes, Principátus et Potestátes, Virtútes: Chérubim atque Séraphim: Patriárchæ et Prophétæ: sancti légis Doctóres, Apóstoli omnes: Christi Mártyres, sancti Confessóres, Vírgines Dómini, Anachorítæ, Sanctíque omnes, intercédite pro nobis. Amen.

Orationes Post Missam

ORATIO SANCTI THOMÆ AQUINATIS

Grátias, tibi ago, Dómine sancte, Pater omnípotens, ætérne Deus, qui me peccatórem, indígnum fámulum tuum, nullis meis méritis, sed sola dignatióne misericórdiæ tuæ satiáre dignátus es pretiósó córpore et sáanguine Fílii tui, Dómini nostri, Jesu Christi. Et precor, ut hæc sancta commúnio non sit mihi reátus ad pœnam, sed intercéssio salutáris ad véniam. Sit mihi armatúra fídei, et scutum bonæ voluntátis. Sit vitiórum meórum evacuátió, concupiscétiæ et libídinis exterminátió, caritátis et paciétiæ, humilitátis et obediétiæ, omniúmque virtútum augmentátió: contra insídias inimicórum ómniúm, tam visibílium quam invisibílium, firma defénsio: mótuum meórum, tam carnálium quam spirituálium, perfécta quietátió: in te uno ac vero Deo firma adhæsió; atque finis mei felix consummátió. Et precor te ut ad illud ineffábile convívium me peccatórem perdúcere dignéris, ubi tu, cum Fílio tuo et Spírítu Sancto, sanctis tuis es lux vera, satiétas plena, gáudium sempitérnum, jucúnditas consummáta et felicitas perfécta. Per eúmdem Christum Dóminum nostrum. Amen.

Orationes Ante Missam

ORATIO SANCTI AMBROSII

Ad mensam dulcissimi convívii tui, pie Dómine Jesu Christe, ego peccátor de própriis meis méritis nihil præsumens, sed de tua confidens misericórdia et bonitate, accédere véreor et contremísco. Nam cor et corpus hábeo multis crimínibus maculátum, mentem et língnam non cáute custodítam. Ergo, o pia Déitas, o treménda majéstas, ego miser, inter angústias deprehensus, ad te fontem misericórdiæ recúrro, ad te festíno sanándus, sub túam protectiónem fúgio; et, quém júdicem sustinére néqueo, salvatórem habére suspíro. Tibi, Dómine, plágas méas osténdo, tibi verecúndiam méam détego. Scio peccáta méa múlta et mágna, pro quíbus tímeo: spéro in misericórdias túas, quarum non est númerus. Réspice érgo in me óculis misericórdiæ túæ, Dómine Jesu Christe, Rex ætérne, Déus et hómo, crucifíxus própter hóminem. Exáudi me sperántem in te: miserére mei pleni misériis et peccátis, tu qui fónthem miseratiónis núnquam manáre cessábis. Sálve, salutáris víctima, pro me et ómni humáno géneré in patíbulo crúcis obláta. Sálve, nóbilis et pretióse sánguis, de vulneribus crucifíxi Dómini mei Jesu Chrísti prófluens, et peccáta totíus mún-di ábluens. Recordáre, Dómine, creatúræ túæ, quam túo sánguine redemísti. Pénitet me peccásse, cúpío emendáre quod féci. Aufer érgo a me, clementíssime Páter, ómnes iniquitátes et peccáta méa; ut, purificátus mente et córpore, dígne degustáre mérear Sáncta sanctorum. Et concéde, ut hæc sáncta prælibátio córporis et sánguinis tui, quam ego indígnus súmeré inténdo, sit peccatórum meórum remíssio, sit delictórum perfécta purgátio, sit túrpium cogitatiónum effugátio ac bonórum sénsuum regenerátio, operúmque tibi placéntium salúbris efficácia, ánimæ quóque et córporis cóntra inimicórum meórum insídias firmíssima tuítio. Amen.

Orationes Post Missam

ORATIO SANCTI IOANNIS CHRYSOSTOMI

Grátias tibi ágimus, clementíssime Dominátor, Redémptor animárum nostrárum, quóniam et præsentí hac die cæléstibus et immortalibus mystériis nos dignos fecísti. Tu dírige viam nostram; serva nos in timóre tuo; tuére vitam nostram; gressus nostros firma oratió-nibus et intercessi-ó-nibus sanctæ et gloriósæ Dei Genitrícis et semper Vírginis Mariæ. Exaltáre super cælos, Deus, et super omnem terram glória tua nunc et semper, et in sæcula sæculórum. Amen.

DOMINE JESU CHRISTE

Dómine Jesu Christe, Fili Dei vivi, qui ex voluntáte Patris, cooperánte Spírítu Sancto, per mortem tuam mundum vivificásti, líbera me per sacrosánctum Corpus tuum, quod ego indígnus súmeré præsumpsi, ab ómnibus iniquitátibus meis et univérsis malis, et fac me tuis semper inhærére mandátis et a te numquam separári permíttas. Qui cum eódem Deo Patre et Spírítu Sancto vivis et regnas Deus in sæcula sæculórum. Amen.